

Ramazanska Bestitka reisu-l-uleme Mustafe ef. Cerića: Iskoristimo ovaj mubarek mjesec

31/07/2011 19:23 by Administrator

Ramazan je vrijeme da lijevimo dušu od mržnje i srce od pakosti. Reisu-l-ulema Islamske zajednice (IZ) u BiH Mustafa ef. Cerić uputio je danas svim muslimanima i muslimankama u

Reisu-l-ulema Islamske zajednice (IZ) u BiH Mustafa ef. Cerić uputio je danas svim muslimanima i muslimankama u BiH i dijaspori Bestiku povodom nastupajućeg mjeseca Ramazana, uz poruku da ovaj mjesec iskoriste za "lijevenje duše" kao najbolji način za "izljevenje bolesti u našem društvu". Ovom prilikom prenosimo u cjelosti Bestitku reisu-l-uleme dr. Mustafe ef. Cerića: Draga braćo i sestre, Sa današnjim zalaskom sunca nastupa mjesec ramazan u 1432, odnosno 2011. godini. Dakle, sutra, ponedjeljak 1. avgust, 2011. godine po Miladu je prvi dan ramazanskog posta. Ovo je 1430. ramazan od kako je Uzvišeni Allah objavio Muhammedu, a.s., ove ajete: - Vi koji vjerujete neka znate da vam se propisuje post kao što je bio propisan i onima prije vas da biste bili pobožni (Bakare, 179). Braćo i sestre, mubarek mjesec nam dolazi kao najbolja prilika za dušu u kojoj je učitelj Kur'an Easni i Pejgamber Odabrani, u kojoj je post terapija za bolesti duše, posebno za bolesti ljubomore, licemjerja i samozaljubljenosti. Stoga, iskoristimo ramazan za lijevenje naših duša kao najbolji način da izlijemo bolesti u našem društvu, u našoj zajednici u kojoj svaki pojedinac može postići uspjeh na ovome i spas na drugome svijetu. Ramazan je vrijeme a post ibadeta na način da lijevimo dušu od mržnje, da lijevimo srce od pakosti, da lijevimo jezik od ružna govora, da lijevimo oči od ružnog pogleda, da lijevimo ruke od nevaljala posla, da lijevimo sebe, svoju porodicu, svoju zajednicu i svoje društvo od poroka koji nam život čini teškim i neizvjesnim. Ramazan je prilika u kojoj se čovjek uči da voli Boga i čovjeka; ramazan je milost Božija koja čovjeka uči kako da očisti svoje srce od pakosti; ramazan je blagost koja čovjeku donosi lijepe misli i uči ga da govori lijepe riječi; ramazan je sreća i spas čovjeku koji ima ruku da usreći i spasi čovjeka koji zaslužuje ljubav i pažnju, jer onaj koji usreći i spasi čovjeka Allah će njega usrećiti na ovome svijetu i spasiti ga na drugome svijetu. Zato dok postimo u ramazanu, okrenimo se oko sebe i ne zatvarajmo oči pred potrebama siromašnih i onih koji ne mogu živjeti od svoga rada ili uopće nemaju priliku da rade i da zarade za sebe i svoju porodicu. Budimo solidarni i suosjećajni jedni prema drugima, jer to je najviši stupanj pobožnosti zbog koje je Uzvišeni Allah propisao post da bi se sit čovjek sjetio gladnih i da bi se imućni ljudi brinuli o siromašnim i nemoćnim. Učimo Allahu Uzvišenom da nam ramazan protekne u miru i bereketu, da nam se srca zbliže u vjeri i ljubavi, da nam Allah ukabuli ibadet posta i usliži našim dovi za zdravlje i sreću svakog pojedinaca, cijelog našeg naroda i cijeloga svijeta. Sa uvjerenjem da će nam mjesec ramzan donijeti Allahovu milost i oprost, od srca svim muslimanima i muslimankama u domovini i dijaspori čelim sretne i bliske dane ramazana! Ramazan šerif mubarek olsun!

Izvor vijesti: Dnevni Avaz